



駿閣詞林記卷之六

館學

強文館學士封誠意伯劉基



劉基字伯溫浙江青田人年十四即領春秋大義元至順癸酉以明經舉進士授高安丞揭文安公曼碩一見竒之曰此魏徵流也而英特過之他日其濟時之器乎初基游燕京見書肆有象緯占經閱之經夕談謔如流其人大驚欲舉以授之基辭曰業已背矣及丞高安有進賢鄧祥甫者精於天文術數迺以其學校基焉治高安有能聲江西行省辟掾史基辭去

尋起為江浙儒學提舉又辭去嘗與魯淵宇文公諒  
泛西湖有異雲起西北祥光煥映湖波如綺諸人皆  
賦詩記之基獨縱飲不顧徐呼曰此天子氣也應在  
金陵十年當有王者起其下我當輔之衆駭以為狂  
悉舍之去基獨與門人沈與京劇飲湖亭時無能知  
者惟西蜀趙天澤以為隆中諸葛也方國珍起兵海  
上元帥朶兒只班被其誘脇省憲遂舉公為帥府都  
事基募兵平山寇吳成改行樞密院經歷與叅知政  
事右抹宜孫守慶州以拒國珍遷行省郎中經畧使  
李國鳳上其功報政者貪得國珍賂遺奏入不省授

以判官基又辭去歸青田山中乃著柳離子書我  
高皇帝取婺州遣孫炎聘基基指乾象謂人曰此天  
命也吾其行乎基至金陵上時務十八策

上嘉納之會陳友諒入寇或謀以城降或以鍾山有  
王者氣欲趨據之

上問基曰先生以為何如基曰先斬主降議及奔鍾  
山者乃可破賊爾

上曰先生計將安出基曰天道後舉者勝若散府庫  
開至誠以固士心伏兵伺隙擊之取威制敵在茲一  
舉也而友諒至果大敗走復將討友諒于九江基曰

金星在前火星在後克之以矣

上大喜即出師攻皖城自旦至晡不拔基請徑趨江州遂拔之友諒走湖廣其洪都守將胡廷美遣子約降預請禁約數事

上有難色基自後踢所坐胡床頓悟許之廷美以城降先是嘗遣都督馮勝出攻基授以方畧俾夜半俟望青雲起則我兵宜伏見黑雲則彼寇兵伏也慎勿妄動黑雲漸薄與青雲接此寇歸也宜急追之果如所料基以母富氏喪奔歸過衢州值苗軍叛殺守將湖大海耿再成孫炎等夏毅時守衢城驚懼夫措基

徐為畫計且諭諸軍以禍福衆乃定遂與平章邵榮擒苗帥賀李等克復諸城方國珍妻畏基名遣間致書問基因宣布威德諷使歸順方氏納欵

上遣人訪基以軍國重事基隨問條答悉合機宜及還都道經建德會張士誠寇其城守將李文忠欲奮擊之基曰不出三日賊可成擒也比三日黎明基登城望曰賊走矣趣使疾追至東陽悉禽之基至入謁上問曰友諒據楚士誠據吳二者孰先伐之便基曰友諒居上流名號未正宜先伐之友諒既平取士誠如囊中物爾已而友諒復攻洪都

上親征之大戰于鄱陽湖勝負未決基欲謀移軍湖  
口以金木相犯日制勝

上皆從之陳氏平遂決計伐士誠暨北定中原基連  
籌居多

上時至基所屏人語移時乃去人莫知之乃以基為  
太史令一日基見日中有黑子奏曰東南當失一大  
將時參軍胡深征閩果覆沒他日

上欲刑人基曰何為乃語以所夢基曰三人頭上有  
血此衆字也以土傳之得土得衆之象也後三日當  
有驗越三日海寧果以城降

上大喜悉以所留刑者俾基縱之是年災戩守心群  
臣震懼基勸罪已以回天意

上即詔諭群臣人心始安值大旱命基譴滯獄多所  
平及天降澍雨張昶上請群雄既平宜及時為樂基  
曰是欲為趙高也昶色動乃使齊襄嚴等詞基欲中  
之傷

上庶得其情相襄嚴伏誅未幾為御史中丞兼太子  
贊善大夫

上北巡命丞相李善長及基留守京師且敕以督察  
奸惡以肅輦轂基素剛嚴凡中書內府闈人吏胥有

犯即捕治宦者監工匠不肅及宿衛舍人奕基基啓  
皇太子悉寘於法有中書都事李彬者犯法基即廢  
之善長祈緩其獄弗得遂啣之

上還都基言曰鳳陽固帝鄉非天子所都之地雖置  
中都不宜居也擴廓帖木兒雖可取然未易輕視願  
留意基辭歸青田適章溢奏定處州田稅

上命減稅私止五合且曰使劉伯溫子孫世為美談  
也厥後定西失利擴廓帖木兒北走沙漠

上乃手詔召基畧曰爾從朕于群雄未定之秋居則  
匡輔治道動則仰觀天象察列宿之羅布驗日月之

光華發蹤指示無征弗克攻皖城拔九江撫饒郡隆  
洪都取武昌平慶州爾多力焉至于彭蠡鏖戰砲声  
如雷鬼神悲號星日晦冥自旦至暮如是者四爾時  
在舟中備嘗患難今久而未至朕心懽焉命駕一來  
朕心良慰基至

上欲拜之爵基曰陛下乃天授臣何敢會天功固辭  
不拜

上以事詰責丞相善長基曰善長勲舊且能輯和諸將  
上曰是數欲害汝者汝反為之地耶汝之忠勲足以  
任此基曰譬如易柱必得大木若用小木為之將速

顛覆如臣駕鈍尤不可爾

上欲相楊憲基與憲素厚乃直言曰憲有相才無相器夫宰相者持心如水以義理為權衡而已無適焉者也今憲不然能無敗乎

上曰汪廣洋何如基曰器局褊淺觀之可知

上曰胡惟庸何如基曰彼小犢爾將償鞍而敗犁矣上曰吾之相無喻于先生基曰臣非不自知但臣疾惡太深不任繁劇為之且孤厚恩天下何患無才願明主悉心求之如目前諸人臣誠未見其可

上嘗與論兵曰克敵在兵制兵在將兵無節制則將

不任將非其人則兵必敗是以兩軍之間決死生成敗之際有精兵不如良將基曰臣每觀廟筭初謂未必皆然及摧鋒破敵動若神明臣由是知將之勝又不若主之勝然陛下不拘古法而勝尤人所難

上曰兵者謀也因敵制勝豈必泥於古哉戰陳之事

闔關奇正頃刻變化如風雲之無常勢要在通其變爾二年七月以為弘文館學士十一月大封功臣拜

誠意伯錫之誥命追贈其祖父皆未嘉郡公四年正月賜歸田里遺子璉赴闕謝恩并上平西蜀頌

上手書優答且問以天象基覆上言霜雪之後必有

陽春今國威已立宜濟以寬

上命以其書付之史館或有言殺運三十年未除者  
基嘆曰吾若當國掃除弊俗一二年後寬政可復也  
初旣括間有隙地曰談洋基言於

上以為頑民負販私監因挾方寇為亂宜設巡檢司  
上從之及設巡檢司民以為非便適茗洋作亂郡縣  
匪不以聞基令子璉奏之時胡惟庸柄政憾其所奏  
乃謂基圖談洋為已基地詔以基勲舊赦弗治仍奪  
其祿先是揚憲敗後汪廣洋為相復敗胡為庸繼之  
基大感曰使吾言不驗蒼生福也如其驗諸其如蒼

生何八年正月胡惟庸以醫來視疾飲其藥二服有  
物積腹中如石基白于

上亦未之省也乃御製文一通遣使送歸及家一月  
而薨年六十有五所著有覆瓿集寫情集反犁眉公  
集廖道南曰予觀誠意伯集旣然激嘆以為有子房  
之風及誦我

聖祖之言亦曰吾子房也夫子房推擊沙中何異於  
伯温之憤方氏也伯温受天文于鄧祥甫又何異於  
圯上老人之三畧哉漢之元功大封子房願封留足  
矣乃辟穀導引明哲保身始神黃石之術終從赤松



之游易曰介如石不終日貞吉何其智也而伯温乃  
徘徊容與矧懼于羅象以蔭焚豈其忠於國而弗智  
於身耶彭韶贊曰華淪於夷曷仕於時夷歸諸夏仕  
止乃宜就桀就湯節義奚虧大哉王佐燭物炳幾運  
籌制勝豈龍以飛昭回制作文章是容允為宗臣爾  
爵爾祠

弘文館學士羅復仁

羅復仁字

江西吉水人初從陳友諒為編脩甚

見禮遇歲壬寅

太祖高皇帝兵至九江復仁來降命侍左右癸卯從

破友諒于鄱陽湖命齎蠟書招諭臨江袁州諸郡甲  
辰除中書省諮議性率直每論事指陳得失無所隱  
避益親信之及武昌久圍不下

上以復仁友諒舊臣令往招諭其子理復仁至城下  
號慟不已理怪之使召之入復仁曰今不降大兵且  
屠城諸民何罪早為之所則族可保也理由是遂降  
復招諭江西還為國子助教以老賜車出入每宴見  
賜坐飲食丙午春奉使山西招諭元將擴廓帖木兒  
前使多被拘留復仁議論慷慨獨還洪武元年擢編  
脩二年冬齎詔諭安南命毋侵占城既至曉以大義

安南王悅服還贈以黃金吉貝復仁辭不受歸奏之  
上多其廉讓適安南使者至仍令持之以歸改翰林  
檢閱未幾拜弘文館學士屢召論復仁多士音質俚  
上以其率直多見听納尋乞休賜大布之衣書曰性  
雖粗率忠直可嘉賜爾布衣放歸田里仍賜玉帶名  
馬鐵柱杖坐墩諸物

上嘗幸其第復仁方操塗且急呼其妻取瓮故

上每呼為老實羅云廖道南曰馬援有言非惟君擇  
臣臣亦擇君夫中原鼎沸醜虜羶汙群雄角立未知  
鹿死誰手復仁乃能辭其故主翊戴

真龍推心置腹直見本真綸綽龍褒非溢美也贊曰  
朴而不浮慤而有真却金知義資布知仁玉帶溫栗  
鐵杖堅貞大哉奎章照耀山城

弘文館學士危素

危素字太朴撫州金谿人年十五能究五經大旨與  
同郡葛將魯堅黃得更相策勵乃從吳沉范梈遊遂  
知名薦入經筵為檢討歷陞學士承旨奏請加封朱  
考亭楊龜山李延平真西山蔡九峰從祀俱從其論  
國初徐達收燕京令故臣咸投告身素與編脩黃得  
誓死于難有報恩寺僧梓者救之乃免而得竟死矣

達乃以素歸

上雅聞素文學仍命為侍講學士因進言宋朝諸陵為元西僧所發以理宗頂骨為飲器

上聞之惻然曰宋南渡諸君無大失德與元又非世讐既乘其弱取之何乃縱奸人肆酷如是耶即命守將吳勉訪索頂骨得之僧廬命有司瘞于京城之南紹興亦以求穆陵骨來獻命掩瘞故處時值甘露降朱濂為頌

上問素此何徵也素曰王者愛養耆老則甘露降而松柏受之尊賢容衆則竹葦受之今甘露降於松是陛下養老所致也宜以制幣冊告

宗廟頒于史館以永休聞三年四月命素及胡鉉睢稼王大中俱為弘文館學士鉉撰皇陵碑以獻上念其老賜小車免朝謁時從論說經史質証疑義御史王著劾素亡國之臣不宜居侍從乃謫居和州之含山所著有宋史稿元史稿文集五十篇奏議三卷宋濂銘其墓曰大明方隆多士景從有詔任公侍講禁中公文之純大音玄酒道則在茲爵祿何有孰高為山孰深為淵文之有傳終古昭宣廖道南曰素仕元秉文衡都樞要學者仰之如星鳳及徐達收

燕薊命仕元者投告身素與編脩黃得約死於難得  
死而素背約焉及至躋顯榮陟清華愧東閣之履聲  
慘南淙之汗顏竟自經于溝瀆而不之恥莊生有言  
哀莫大於心死素之謂矣贊曰華國之才救時之累  
其學博雅其操簡約鳥則擇木魚則依水為臣不二  
有負斯語

### 宮學

左春坊大學士董倫

董倫字安常順天宛平人所學浩博沉潛學者從之  
稱為具川先生洪武十五年張寧以明經薦入朝奏

對稱時授春坊替善大夫侍懿文太子陳說剴切  
高皇帝嘉之未幾補河南叅議二十五年改詹事院  
為府遴選東宮官屬以唐鐸為詹事祝春李文吉為  
少詹事而以倫為春坊大學士倫薦葛伯衡代已三  
十年以註誤坐事謫雲南教官

皇太孫憐之賜白金為道里費倫涉淮溯汴驅馳梁  
雍以達于蜀蜀王聞而重之賦詩八章以贈其行時  
雲南初開倫以身教用夏變夷遠人嚮慕建文中召  
入為禮部侍郎兼翰林學士階嘉議大夫

御書怡老堂三大字及髹几玉鳩杖各一倫上表畧

云臣素無闕閱功勞兼乏智能才藝徒知篤信于古  
道自分無用于明時幸蒙

高皇帝之知忝拜左春坊之命任臣以兩宮輔導之  
職稱臣為三葉帝王之師茲者踐祚之初乃復馳書  
以召蒼顏白髮萬里來歸金馬玉堂十年如昨自今  
持杖戒噎則思兆民或阻于飢凭几安身則念一物  
或失其所乃方孝儒代撰也先是解縉代夏長文章  
奏劾都御史袁泰謫河州至是倫薦之召還為侍詔  
其汲引士類如此廖道南曰予觀順天志橋倫端厚  
質實及考諸國史乃知其履夫方遜志解春兩贊

名儒也或代之撰表或受其薦劾其人品高尚可徵  
也巴贊曰

真人啓運哲士景從獻策彤廷授經青宮出補大藩  
入司坊學侃上大節卓被先覺

左春坊大學士李至剛

李至剛名銅以字行浙江寧海人少從楊鐵崖游洪  
武初以明經舉侍

懿文太子初授祠部試郎中坐事謫戍邊未幾召還  
為虞部郎中尋補河南參議會河決汴堤賴以匡濟  
調湖廣參議

太宗登極至剛來朝擢右通政預脩

高廟實錄陟禮部尚書甲申冊立

皇太子命至剛兼左春坊大學士初開經筵同解縉  
進講及脩永樂大典多所裁定侍郎宋李劾之降儀  
制郎中及縉被譴詞連至剛下詔獄

仁宗嗣位復以為通政改守興化府卒于源中永樂  
甲辰進士廖道南曰予讀楊文貞公所撰至剛墓表  
稱其入典邦禮輔

儲君出佐藩翰守名郡顯庸光大雖間歷夷險然回  
眎同儕輩覆滅消亡何可勝計蓋指縉也及攷縉所

評至剛語曰誕而附勢雖才不端  
太宗後舉以告

仁宗曰至剛朕洞燭之矣縉語有徵非狂士也於乎  
豈士奇亦忌縉耶贊曰崛強此老駁歷居多屢遭奇  
禍弗罹于羅大紳少之文貞則多  
聖謨如在人其謂何

右春坊大學士魯祭

魯祭字子啓江西永豐人永樂甲申進士第一授脩  
撰軀儀膚碩問學敏贍

太宗奇其才命解縉選二十八人為庶吉士進文淵

閣祭為之冠

上嘗召問祭應對如響命撰天馬海青歌揮筆立就  
詞氣豪宕預脩永樂大典充副總裁官丁亥轉侍講  
守制

車駕幸北京起復扈從同邑有坐建文間黨繫者人  
咸為祭危又所居西長安門失火延及禁垣

上皆以祭故不問秋滿進侍讀學士重脩

高廟實錄成駢沐賜齋

仁宗嗣位遷右春坊大學士仍兼侍讀階奉議大夫  
宣德改元預脩

兩朝實錄成賜金織襲衣寶帶擢少詹事仍兼侍讀  
學士卒贈禮部侍郎楊榮銘其墓曰永樂初科首賜  
及第王質金聲為國令器居官翰苑克慎克勤文行  
之懿遠近著聞廖道南曰予觀國史謂祭溫雅英邁  
喜推薦士學博才曠為文沛然惜乎天不假之以年  
未究厥終也贊曰渥淫神駒奔風逸電丹穴威鳳雲  
輝星爛子啓之才夙自天成大廷擢魁官府垂名天  
奪之速齋志以沒長篇大章照耀石室

詹事兼侍讀學士李泰

李泰字文通順天香河人正統戊辰進士選庶吉士

授編脩景泰間遷左春坊司直郎兼編脩再轉右中允英廟復辟改尚寶司丞兼編脩既而侍

東宮講讀轉侍講成化改元陞侍講學士兼經筵官尋侍文華日講預脩

英廟實錄成陞少詹事兼侍講學士未幾進詹事兼職如故卒年四十三賜祭葬贈禮部侍郎太監李永

昌泰之伯父也正統中掌章奏有寵泰為其後初應鄉試京尹進錄

英廟問左右李泰中否見其名甚喜及官翰林頗知向學矜已自足性侑僻與人寡合而所與者則相朋

比汲引士論以是薄之廖道南曰予讀小說家見唐有皮思謙者冒中常侍魚朝恩之寵登高科歷顯仕未嘗身為其後獲居宥密如李泰者也嗟呼翰林清要貴重匪宿儒不可以斯人踐斯地豈非于殿國師齊之辱乎贊曰曹瞞後騰思謙冒恩史局溷處掖庭與援泰也雖才歷試則愆鳴蹲鳳池有汗斯顏

吏部侍郎兼侍講學士楊守陳

楊守陳字維新浙江鄞縣人景泰辛未進士選庶吉士授編脩預脩一統志轉侍講

憲宗登極克經筵講官一日講尚書武成篇守陳曰



古稱舜無為而治武王垂拱而天下治蓋聖人勞于求賢佚于得人後世人主深居禁中委政內侍者召望夷之禍高拱無為肆情嬖豔者啓祿山之變孟子所謂安危利蓄此之謂也時中官梁方及昭德萬妃有寵故守陳及之聞者悚然未幾遷司經局洗馬進侍講學士

孝宗出閣命侍講讀時議

憲廟升祔禮守陳上言古者天子七廟祖有功宗有德凡號太祖者即始祖當尊以配天若商周之契稷則又以功論不以統論也宋之僖祖可比西報乙周亞圉非契稷此議者徒取王安石之說遂使七廟之間既有始祖又有太祖既以配天又不正南向之位名與實乖皆非禮也今升祔

憲廟請并祧

德懿熙三祖自

仁宗以下為七廟異時祧盡則以

太祖擬商周契稷而祧主藏于後寢祫禮行于前廟時亨則尊

太祖祫祭則尊

德祖各不失尊庶無悖禮執政不能從及脩又華大

訓成陞少詹事仍兼侍講學士守陳上言二事其一  
請間日講云

陛下一日御文華殿之時多處乾清宮之時少則欲  
寡而心清惑少而理明得於內者純出治之本立矣  
其二請御午朝云大政則召大臣面議未當則許諫  
官救正俾賢才常集于目前視聽不偏于左右資於  
外者深致治之綱舉矣若如近日凡百題奏付內監  
調旨批答臣恐積弊未革隱禍已深不但如目前所  
慮而已

上褒答之未幾擢吏部侍郎兼詹事府丞專典史事

英廟實錄文憲裁官踰年卒贈禮部尚書謚文憲何  
喬新叙其集曰文憲載筆蘭臺雖書廷閣侍講經樞  
輔導儲宮三十餘年自六經諸史旁及九流靡不探  
源綜要故其發於文也法度森嚴如龍虎鳥蛇布列  
于行陣意態閒雅如朱純赤鳥周旋于殿陛其閱深  
雄放又如彭蠡驚濤龍門駭浪瀉乎森乎不可狎玩  
也王鏊誄之曰聖亡經在異說紛兮阨秦造漢誰多  
門兮商詩瞿易授受親兮黨同矜異傳失真兮遺言  
輿旨不尚存兮唐有啖趙宋孫石兮抱經刻傳挺見  
特兮逮乎伊洛義轉精兮紫陽承之集厥成兮設科

置學為世程方父傳師授莫知其端方雖有異說誰  
敢于方於文懿公生已後方周漢唐宋得通究方聖  
經浩浩如天淵方家鑽人淬庶或全方瑰辭微義日  
星陳方蹈常翫故駭厥新方章甫資越衆排斥而不  
信方取信何傷益自珍方嗟我何知乃得師方謂公  
自信當勿疑方太羨玄酒所貴希方豈不或過志亦  
奇方後千萬年來者誰方廖道南曰予讀文懿桂坊  
金坡諸稿固已異之及觀國史謂其恬靜易直仕雖  
齟齬而守正不變彭韶贊曰無思不通無書不讀講  
章震主聽者悚服羨彼世光袍笏滿床有二尚書有

六桂坊呼嗟我公直筆如競奏早已具死不目瞑

少詹事兼學士柯潛

柯潛字孟時福建莆田人景泰辛未進士第一授脩  
撰明年遷右中允丙子寰宇通志成轉司經局洗馬  
天順丁丑改尚寶少卿兼脩撰已卯侍

東宮講讀

憲宗踐祚擢學士掌院事授度吉士業誠心訓迪士  
多造就凡百廢弛悉加振作人以是多多之預脩

英廟實錄成陞少詹事兼學士成化戊子充日講官  
守制歸適祭酒缺廷議會舉詔起復之潛力辭不起

卒潛爲人高介有氣節遇事不苟故今詞林諸士尚呼爲柯竹品云楊文懿公叙輓集曰孟時姿儀德器才識文學優出人表且秉史筆典文衡視院篆侍講幄茂著勞望士方仰之若山嶽民具望之作霖雨天胡奪之速耶廖道南曰予游翰林見有亭一區曰柯亭有栢二株曰柯學士栢何其流風遺澤令人未矢勿諼也蓋其孤介之節剛正之氣所漸被者遠矣贊曰壺山之陰蘭水之陽倫魁夙兆宮端潛光竹品流清栢亭垂芳有斐君子終焉允臧

詹事兼學士程敏政

程敏政字克勤徽州休寧人而早慧侍父襄毅公官蜀巡撫侍即羅綺以神童薦

英宗召至便殿試以春聯應對如響館閣覆試賦

聖節及瑞雪詩并經義授筆立就詔詣翰林讀書李

文達公妻以女成化丙戌進士及第授編脩預修

英廟實錄秩滿轉侍講及脩宋元綱目敏政自撰宋

史受終考大學士彭文憲公稱之遷左春坊左諭德

充經筵講官乙未廷試讀卷丙午主考應天鄉試

孝宗登極陞少詹事兼侍講學士充日講官時詔議

從祀孔子禮敏政上言聖王治天下以祀典爲重故

用

有功德于一時者一時祀之更代則已有功德于一方者一方祀之踰境則已况孔子功德在萬世必文與行兼名與實副者乃可以從祀若戴聖身陷賊吏劉向喜談神仙馬融為梁冀草詔殺李固何休解春秋黜周王魯王弼何晏倡為清談王肅佐司馬昭篡魏杜預為吏不廉為將不義得罪名教類當黜祀疏上會御史魏璋以曖昧中傷之致仕歸即中陸容給事中楊廉辯其寃

上召之還擢太常卿仍兼前職教習庶吉士預修玉牒乙卯守制歸復闕詔修會典充副總裁官轉詹事

兼學士尋陞禮部侍郎掌詹事府事侍

皇太子講讀己未主考禮部給事中華晷劾之詔廷辯晷語塞坐罪敏政致仕卒贈禮部尚書所著有

皇明文衡瀛賢奏對儀禮定本新安文獻志宋遺民錄諸書廖道南曰予為兒時竊觀篁墩文集浩乎其莫禦及予謫居徽土登齊雲望紫陽訪其廬吊其墓想見其為人蓋一代之豪也而卒被誣以死當國者寧不有遺憾耶贊曰黃山截紫萬仞千霄練水亭沈百川怒號惟彼齊雲紫翠岵嶢篤生英乂卓哉人豪石碣落高邁天風海濤撰述紬繹璽絲牛毛青蠅貝錦

見現則消誦述遺編德音孔昭

詹事兼侍讀學士陸簡

陸簡字廉伯常州武進人成化乙酉鄉貢第一明年進士及第授編修秩滿轉侍講預修宋元綱目成遷右諭德充東宮講讀官弘治紀元召修

憲廟實錄陞右庶子兼侍讀充經筵日講官辛亥擢少詹事兼侍講學士甲寅以日講勞特陞詹事兼侍讀學士踰年卒贈禮部右侍郎簡姿貌秀偉少有俊才頗不自檢晚益矜誇自負當遠到既久滯不顯亦多鬱抑齋志以沒李文正公銘其墓曰文以奇勝恥

弗已出持堅敵強孰能抗在中所自負公事則發有銛弗施飲志而沒若在冶金久乃成質器之斯艱恒百斯一成斯棄斯嗟彼造物謂天默也孰爾揭上廖道南曰予友水南張學士謂陸龍臯氣蓋萬夫才雄一時及接其子煥章諸郎咸有父風予過武進乃得訪其幽蹤遺蹟蓋志大而術疎者也贊曰矯上龍臯淵上鳳池夙負英氣冥繹玄思麗造所裁信史誰欺徵群公子末世有詞

吏部侍郎兼學士掌詹事府事張元禎

張元禎字廷祥江西南昌人天順庚辰進士遷庶吉

士授編脩

憲宗登極禎上言三事一曰勤聖學二曰公聽政三曰廣用賢

上嘉納成化丁亥謝病歸二十餘年潜心理學士子多從之游

孝宗即位召修

憲廟實錄轉左春坊左贊善上疏論王道畿萬言已酉主考應天鄉試辛亥世侍講學士掌南京翰林院事疏侍母養歸九年召修會典文副總裁書成進學士戊遷南京太常卿癸亥召修歷代通鑑纂要改

太常卿兼學士甲子命掌詹事府事上疏請觀太極圖西銘諸書

上亟命內閣取觀之未幾擢吏部左侍郎兼職如故元禎為人孤峭竒拔其所交游若天台陳選南海陳獻章豐城羅倫江浦莊景皆一時名士也李文正公銘其墓曰木生在山久乃益堅輦至于途蹶萬牛以顛貢之明堂將棟將梁忽內蝕以傷孰其生之而棄厥良人才實殊公負其有惟厥攸負曰可與大受與不在天受不在予夫苟不自愧違卹其誰維文之絕惟名之揭彼利達者疇巧疇拙地靈人傑惟卿邦之

士授編脩

憲宗登極禎上言三事一曰勤聖學二曰公聽政三曰廣用賢

上嘉納成化丁亥謝病歸二十餘年潛心理學士子多從之游

孝宗即位召修

憲廟實錄轉左春坊左贊善上疏論王道畿萬言已酉主考應天鄉試辛亥世侍講學士掌南京翰林院事疏侍母養歸九年召修會典克副總裁書成進學士壬戌遷南京太常卿癸亥召修歷代通鑑纂要改

太常卿兼學士甲子命掌詹事府事上疏請觀太極圖西銘諸書

上亟命內閣取觀之未幾擢吏部左侍郎兼職如故元禎為人孤峭竒拔其所交游若天台陳選南海陳獻章豐城羅倫江浦莊景皆一時名士也李文正公銘其墓曰木生在山久乃益堅輦至于途蹶萬牛以奠貢之明堂將棟將梁忽內蝕以傷孰其生之而棄厥良人才實殊公負其有惟厥攸負曰可與大受與不在天受不在予夫苟不自愧遑卹其誰維文之絕惟名之揭彼利達者疇巧疇拙地靈人傑惟鄉邦之



哲百世之下山不泐水不噬惟張東白之穴廖道南  
曰予嘗讀東白集若彭蠡奔濤匡阜飛壑不可蹤跡  
及觀國史則又有不滿人意者於乎豈其才高見忌  
耶贊曰匡阜之涯群峯蜿蜒彭蠡之濱潒派淪連東  
白學古襟嶽帶湖煙雲鳳標星斗龍圖西涯有碑守  
溪有志於乎已矣令名不世

禮部尚書兼學士劉春

劉春字仲仁四川巴縣人成化癸卯鄉試第一丁未  
進士及第授編修弘治辛亥轉脩撰庚申充

東宮講讀官秩滿遷左諭德癸卯預修會典進侍講

學士正統紀元陞學士辛未擢吏部侍郎充經筵日  
講官明年陟禮部尚書占城世子失國竄居邦都郎  
請封春曰春秋公孫青尚不辱命于衛况天朝乎疏  
上已之又明年改南京吏部尚書辛巳調禮部尚書  
兼學士典誥勅掌詹事府事卒贈太子太子謚文簡  
子彭年舉進士為督學副使今擢都御史延年蔭中  
書舍人禮部主事孫起宗戊戌進士大學士楊廷和  
銘其墓曰重慶先達曰蹇忠定文簡繼之煒煒輝映  
其始從事史局講筵隨試自效職業罔愆四典三禮  
秩亦屢遷法守是慎不比于權召自留都司

帝之制行將大受參預政事諸于庶明以替新治胡  
進之難胡奪之易廖道南曰予為庶吉士時東川公  
方起赴闕見其醇雅篤厚有古人風方擬樹教秘書  
省未幾而亡石齋之銘豈欺我哉替曰峨嶠嶻嶭  
灑灑淵淳忠定先奮文簡後征恂恂其貌翼翼其心兩  
川黎老茲其典刑

禮部尚書兼學士李遜學

李遜學字希賢河南上蔡人成化丁未進士選庶吉  
士授檢討弘治丙辰出補浙江僉事以憂去服闋陞  
陝西副使又以憂去起復改山東前後更三任俱督

學政所至務崇寬厚頗得士心正德戊辰召入為太  
常少卿提督四夷館仍兼侍講尋擢戶部侍郎提督  
太倉禮部侍郎乙亥陟南京禮部尚書丙子以慶賀  
入京調禮部明年兼學士掌詹事府事典誥勅命授  
庶吉士業卒廖道南曰予計偕時嘗過蔡之故墟訪  
春秋列侯故蹟及式公之問無恙也既而入讀中秘  
書而公已不作矣替曰上蔡之先寔惟申伯迄今百  
祀惟復繼絕峨峨宗伯赫赫宮端簪纓輝映不愧南  
冠

侍讀學士拜祭酒魏觀

魏觀字杞山武昌蒲圻人父雲瑞隱德弗耀觀讀書  
蒲首山中勤苦弗輟性喜吟咏觸物感興陶寫自如  
乃構亭曰梅初以寄志焉元呂思肅公讀其詩嘆賞  
薦於朝辭弗就江漢既平觀被徵與青田劉基金華  
宋濂諸儒同謁

上與語大奇之授平江州學正遷國子助教浙江提  
刑僉事吳元年改兩淮都轉運使入為起居注一日  
同待制王禕侍

上問曰漢高祖唐太宗孰優觀曰太宗雖才兼文武  
於善未免矯揉高祖豁達大度規模弘達以茲觀之  
高祖為優

上曰高祖之度人皆知之然其記兄嫂之怨封其子  
為曼美侯然豐之叛不封雍齒不肯以豐為湯沐邑  
度亦未弘矣太宗規模雖不及高祖然能其駕馭群  
臣各為已用大業已定卒能保全功臣此則太宗為  
優也洪武初建大本堂命觀侍太子說書及授秦晉

諸王經觀有詩記之詩曰翠葆葳蕤亢鳳旗東華遙

衛輪班虎豹馳月繞珠簾陞講席花迎金輅  
肅朝儀六玉兩兩前星耀珠緯聯輝上玉輝

二年十月甲戌天降膏露于乾清宮禁林

上問災祥觀曰帝王恩及于物順于人則甘露降  
陛下誕寬民賦衆庶懽豫底于牧寧神應之臻職此  
故也十一月及煖如春

上召偕危素詹同吳琳宋濂遊觀內苑錫燕紫閣御

製序文賜之曰卿等各賦一詩以述今日之樂觀奏

詩詩云深冬晴煖動逾旬內苑遊觀詔侍臣五色慶  
信雲開鳳尾九重麗日繞龍麟和鸞喜奉彤庫御式  
燕漸叨紫閣賓淑氣已從  
天上轉人間無地不陽春

上覽之大喜三年正月轉太常卿賜之制曰太常之

職掌郊廟社稷山川群神之祀厥任重矣爾觀學行  
方正事朕有年夔持憲節振揚風紀及領鹽運勞績

茂彰項居翰院日記言動朝夕之聞屢進謹論尤簡

朕心茲用長于太常益恭乃敏七月命觀改定太廟

祝文稱孝子皇帝臣凡遣太子行禮稱長子某者為

令是月陟為侍讀學士十二月辛酉編集大明志成

以觀為嘉議大夫國子祭酒宋濂為可業四年廷試

進士觀與博士孫吾與脩撰王傑為讀卷官乃得吳

伯宗等一百二十人時開科之始得人最盛而伯宗

卒為名臣人以此多觀之識九月坐考祀孔子禮不

以時奏乃謫觀知龍南縣濂知安遠縣行未至任即

召還以為禮部主事

上賜燕奉天門喜曰前日逐卿去今日與卿飲何其樂哉仍命各賦一詩五年三月

上念姑蘇為京輔重地經張士誠之亂荼毒罔有寧宇廷臣咸薦觀有治才乃出知蘇州府既蒞事微陳寧苛政鋤暴樹良寬而且肅敬老恤民大建學舍乃闢宣聖廟庭舉鄉飲酒禮聘郡賢士周南老王行徐用誠與教授貢穎之定儀節高啓王彞張羽闡文學郡多耆老崑山周壽誼年百有十歲吳縣楊茂年九十三林文友年九十二皆延至之禮成彬彬可觀壽誼還躬餞諸郊再拜送之觀者如堵時戎事倥忽百

物彫耗禮文衰落乃能力挽躬行風教勃興封部皞然課績為天下最

嘉之陟為四川行省叅知政事蘇父老上疏願留仍命觀還郡七年觀以舊治為士誠切據且郡多水患乃修府浚河

以資民利御史張度誣其

與既滅之基遂與高啓等俱獲罪

上海之命所在致祭

皇太子諸王哀賻有加乃歸瘞于蒲子燈窩山廖道南曰祀山予里人也予自髫童訪其廬吊其墓未嘗不泫然悲焉及誦其所為蒲山牧唱集思見其人而

弗可得也既而讀楊符鄉序曰先生之心廣大而高明先生之才篤實而端重其孝博其辭贍其所履佳率有成績事至不擇利害而為之有古大臣君子之風黔國沐璘亦曰貌偉而修氣完而優聳衡廬之神秀瑩江漢之清秋其為德也雖畊而隱其為名也匪釣而求與宋景濂碧崖亭辭蘇伯衡梅初亭記相符合也贊曰維我蒲山衡嶽之支維我專川洞庭之涓先主掘起于蒲之里邦之司直國之良史伯衡有記景濂有辭璧月珠星光彩陸離

學士拜祭酒李時勉

李時勉名懋以字行江西安福人五歲即知學七歲小學四書皆能成誦甫成童言動以禮既長大肆力於學夜以達旦隆冬盛暑無間未樂甲申進士還庶吉士預修

太祖實錄守制服闕起復授刑部主事仍與纂修書成轉侍讀三殿災詔求直言時勉條陳十五事一曰停止工作二曰罷四夷朝貢三曰伏冗官四曰賑飢荒五曰慎邊舉六曰嚴考覈七曰理刑獄八曰黜賦官九曰散處達官十曰軍不以進十一曰省買辦十二曰革接迺軍夫十三曰免生員充軍十四曰設法

僨運十五曰優恤軍士

太宗嘉之未幾被讒下獄既而宥之癸卯以楊榮薦復其官洪熙初上疏言事命武士以金瓜捶之傷肋幾死明日改監察御史又明日下錦衣獄

宣宗登極謂左右曰李時勉能直言忠臣也召對于萬歲山命誦前所上疏時勉誦至六事少止曰天威嚴重不能詳記上微笑曰政自難言耳問奏稿在否曰已焚之矣特命宥之修

兩朝實錄成進侍讀學士

上幸史館撒金錢于地衆爭取之時勉端立不動

上親取袖中餘錢賜之又幸文淵閣命諸學士飲

上曰時勉非朕安能飲此酒正統戊午陞學士已而

遷國子祭酒既泣任崇薦耻抑奔競別賢否示勸懲

士習丕變諸生有疾躬為醫療至於貧不能娶死不

能殯者皆為營辦恩義兼盡不啻父子疏請脩大學

王振怒坐以擅伐官樹枷號監前監生石大用上章

救之獲免嗣是屢乞休諸生伏闕輒留之歲丁卯懇

疏致仕允之命給驛舟賜寶鏹為道里費去之日諸

生涕泗送者數千人觀者如堵既歸聞

車駕蒙塵號慟上疏言邊將練兵數事卒謚文毅改

謚忠文廖道南曰予觀名臣錄稱時勉上孝父有疾躬視湯藥不離側恤孤救難無間戚疏楊文貞公云時勉又學老成操行修潔節義足以表俗剛正足以任事量足以容物而志則不可奪真確論也彭韶贊曰於乎剛士浩然正氣博聞有養學自中秘危言峻行歷事

四帝臣身百折臣心不替學士司成奸驕我已荷之願門徒之義歸老於田名儒風致

侍講學士署祭酒刑寬

刑寬字用大直隸無為州人幼穎敏力學不綴永樂

甲辰廷試初擬孫曰恭為第一

太宗皇帝以曰恭一暴字耳及見刑寬二字甚喜遂親擢為第一授修撰預修

仁宗實錄轉侍講正統戊午預修

宣宗實錄賜織金文綺加從五品俸己未同考會試

尋引疾家居上言民情十餘事丙寅召至復任丁卯主考順天鄉試景泰壬申進侍講學士署南京國子

監事卒廖道南曰予考國史稱寬居家孝友與人交

終始不渝且處心夷坦於物無所忤嗟乎庸言之信

庸行之謹豈一朝一夕之故哉蓋其所養者厚矣贊



曰霍山之麓寔為廬郡佳氣鬱結中啓昌運刑君之  
起夙著休聞歷事

四朝蔚然有文

侍講學士拜祭酒陳詢

陳詢字汝同直隸華亭人永樂乙未進士選庶吉士  
授編修宣德間轉修撰正統初充經筵講官預修  
宣廟實錄進侍讀秩滿陞侍講學士坐累謫知安陸  
州已巳召入為大理少卿巡撫大名諸郡改太常少  
卿兼侍講學士尋改國子祭酒天順戊寅卒廖道南  
曰予讀國史稱詢剛直慷慨但嗜酒豪放不矜細行

及攷松志乃知其素履考無咎也贊曰條然有鶴唳  
于華亭刷羽林臯揚声海濱彼美人兮抱光含醇秉  
德惟恒履險不傾

侍讀學士拜祭酒陳鑑

陳鑑字緝熙直隸長洲人父潤戊遼道經京師以鑑  
托于舊游范叔瓚遣從王居為神樂觀道士正統戊  
辰進士及第授編修景泰中轉修撰充經筵講官天  
順初預修一統志遷侍讀成化初預修

英廟實錄進侍讀學士未幾補國子祭酒初祭酒邢  
讓為大學士萬安構害延蔓及于鑑會廷鞫讓辨不

已鑑曰吾為國師安能喋喋對刀筆吏哉遂自誣服  
除名楊守陞上書訟其寃廷議壯之廖道南曰予讀  
碧川論救鑑疏有云文章政事時望所歸自今論之  
其人品可知雖幼從羽衣長即儒服變墨崇正亦可  
尚也贊曰師道克艱匪人弗受法紀克明匪人弗有  
緝熙之悞惟立之救人兩恕之孰批厥繆

### 寺學

直學士兼太常卿范常

范常字子權滁州人宋青山先生孟申孫也幼警悟  
覽李淹貫古今性夷粹無競篤於行又鄉里咸重之

謂其有青山先生風至正甲午

太祖兵克滁駐蹕城中常以文學聞即召見禮遇之  
預典兵牘授總管府知事從克和州乙未六月扈蹕  
渡江取太平授元帥府都事丙申二月定建康皆預  
謀議自是下毗陵及取江南諸郡贊畫居多辛丑七  
月乙酉朔命為太平知府既至募民種藝時兵亂之  
種官廩有穀數千石常請於朝悉發貸之至秋大稔  
私庾既實官廩亦充乃興學校延師儒民甚安之  
上嘉其績召入為侍儀訪以時政及古今事宜常直  
對無隱又常紀滁和事績上之

上嘉悅洪武元年四月癸亥擢為翰林直學士尋兼太常卿時肇興禮樂講究設施常多預議無何以疾免尋起為起居注復懇乞歸

上重念其老許致仕御製詩四章寵之賜宅一區于太平因家焉子祖仕至右通政改雲南左叅政廖道南曰豐沛之歌壯士興懷南陽之誣勳威增榮而况漆沮造周亳都肇商振古如茲矣我

聖祖起中都一時風雲景從攀鱗附翼者固皆魁梧奇犖倜儻雄杰士也如范常者蓋居一於是矣贊曰神龍奮淵蛟螭宛延威鳳翔霄鷲鸞踣躓

真人纂曆時乘御天声應氣求無物不狀乎權俊又紹武青山起于帝鄉歷試問關

侍講學士拜太常少卿高巽志

高巽志字士敏徐州蕭縣人元末僑寓嘉興幼嗜李從父宦將吳中時宣城貢師泰番易周伯琦皆與之交後為鄖山書院山長洪武二年徵修元史授編修歷陞侍講學士建文中擢太常少卿時黃子澄為正卿與定國難夙夜匪懈庚辰同董倫主考會試得胡廣吳溥胡滌輩皆為名臣是科同事者則右拾遺朱逢吉編修吳勤葉惠仲趙旭張秉彝及殿試讀卷則

劉三吾也三吾以韓克忠覆試被害而兼惠仲則死乎建文之難云贊曰中原之區徐士為關山奔以屹水迅而湍爰有高君雲翔羽翰輔儲効命史炳如丹

太常少卿兼侍讀學士林文

林文字恒簡福建莆田人宣德庚戌進士及第授編修正統初預修宣廟實錄轉修撰景泰中遷右諭德兼侍講預修歷代君鑒及方輿志進左庶子

英宗復辟改尚寶卿兼侍講未幾擢學士以老乞休上謂李賢曰文老成忠厚宜留之成化初擢太常少

卿兼侍讀學士卒贈禮部左侍郎子載為中書舍人廖道南曰予觀莆陽文獻志稱文年逾七十神觀精爽安靜守禮所著澹菴集自成一家乃知渾朴和厚之氣尚存全璞也贊曰方壺之陽翠峨眇緜扶輿清淑代產仁賢若恒簡者抱朴守恬壘上令名奕世猶傳

太常少卿兼侍讀學士劉儼

劉儼字宣化江西吉水人正統壬戌進士第一授修撰秩滿轉侍講未幾進右春坊大學士兼侍講預修歷代君鑒及寰宇通志成遷太常少卿兼侍讀景泰

七年考順天鄉試大學士陳循之子瑛王文之子倫  
不第共誣儼欲置極典賴大學士高穀救之朝廷卒  
直儼至是卒贈禮部侍郎謚文介敕有司為營壘祭  
倪文僖公哭之曰公故其所得掉鞅文場蚤有聲于  
鄉解是以一出而魁天下各生景瞻衆山之宗岱入  
官詞林大放厥辭議論敷陳則又環異而爭怪異才  
之蘊於中也閱深而氣之昇於天者豪邁故每纂述  
刪定筆削繁簡適中而是非不貸嘗典文衡世胄被  
黜及交章而誣害卒之邪不干正志不少控廷議允  
伸而

聖明是賴使盡用其才也則可為士之矩矱國之菁  
蔡柰何遽爾條然不登耆長文卹典是加而謚為文介  
廖道南曰予嘉靖甲午自徵召还是秋典順天文衡  
時當途如張閣老汪冢宰夏宗伯林司空諸子姪咸  
就試不第交構考官置之重憲既而仰賴

宸斷洞燭群情乃知劉文介之被誣不減于三吾也  
贊曰勁松不屈鷲鳥不朋人亦有言蹈道如奔惟彼  
文介力抗權倖孤忠直氣挽回文運眇予小子時復  
仰高實獲我心矢忠宣勞

太常卿兼侍讀學士孫賢

孫賢字舜卿河南杞縣人景泰甲戌進士第一授修撰預修寰宇通志成轉侍講天順初改左中允侍

東宮講讀

憲宗即位遷太常少卿兼侍讀成化庚寅預修

英宗實錄進太常卿兼侍讀學士上疏請立

皇太子且引疾乞休示無希覬意章並上

上皆允之皇子立是為悼恭太子賢憤上不樂而卒

年五十四贈禮部侍郎兼翰林院學士廖道南曰夫

宋儒有言君子為名譽而為善則其善必不誠人臣

為利祿而効忠則其忠必不盡乃若孫君建請立儲

其意善矣而又快快含憤無乃有為而為乎贊曰商

山茹芝羽翼何人晉國乞塊衰經寶親建儲公議辭

爵虛名二者交戰罔恤厥身

太常卿兼侍講學士吳節

吳節字與儉江西安福人為諸生時偕劉球李紹王

原受學于麻城鮑楚山宣德己酉鄉試第一明年登

進士選庶吉士授編修秩滿轉侍講擢南京國子祭

酒先是慈谿陳敬宗以嚴立教節濟之以寬諸士感

化成化紀元召修

英廟實錄充副總裁官改太常卿兼侍講學士書成

進太常卿兼學士節為人簡易質直信人不疑為文如其為人奉母至孝子遠舉進士為知府立文在公銘其墓曰三代盛時人行直道任其天真庸常是蹈世降氣漓存者幾希懿哉先生今之古人我存古心謂人皆然官非不崇學非不深求先生者當於其心廖道南曰予觀吉安志稱節學博才雋已已之變條陳時政多切利病及考文莊之銘亦歎贊曰師道貴嚴臣道貴忠顯允具君克嚴克忠時政之規國學之範金石有銘末世可鑒

太常卿兼侍讀學士王獻

王獻字惟臣浙江仁和人甫弱冠登景泰辛未進士改庶吉士授編修預修寰宇通志陞修撰秩滿遷左諭德兼修撰庚寅克日講官壬辰進學士明年賜金幣丁酉追崇宣聖禮樂遣獻祭告闕里預修宋元綱目成陞少詹事兼學士戊戌

皇太子出閣日侍講讀預修文華大訓擢太常寺卿兼侍讀學士獻美風儀性穎敏書一過目即強記才思飄逸與大學士商輅有隙或造為曖昧不根之語以揚於內坐是不得致大位掌院事者十六年奄奄不得志而卒贈禮部右侍郎廖道南曰詩有之取彼

讒人投畀豺虎何惡之深拒之嚴也堯舜既讒說孔子惡佞人古之至聖必謹于茲乃若禿婦傳之譏不知獻有無而竟以此終其身可畏也哉贊曰青蠅貝錦詩詞所悲鄭聲紫色孔訓所垂英英王君兩泚之杰誰為此讒終不可壅

侍講學士晉太常卿張芮

張芮字文卿山西安邑人成化戊戌進士選庶書士授檢討弘治初預修

憲廟實錄暨會典正德初復修

孝廟實錄轉修撰進侍講學士以憂歸所居近河東

運司鹽商有訐奏者詞連及芮時劉瑾方欲以事裁抑儒臣遂坐累出為鎮江府同知再謫兩浙鹽運司副使量遷處州府同知瑾誅始入為南京尚寶卿進太常卿致仕芮為人朴實其處僚友無忤害心然性嗜酒終日酣酗於種學績文非其好云廖道南曰予嘗聞弘治間有造為俚語者曰一枚黃老五箇白丁時張芮武衛諸人頗倦于學故來人之譏如此及予計偕乃識芮之子濂甫要亦朴野士也贊曰周官鹽人足供王貢漢室鹽官亦濟國用云何張君密邇解池人之謗也卒以茲違



太常少卿兼侍講學士楊時暢

楊時暢字知休陝西咸寧人戶部尚書鼎之子也成化戊戌進士選庶吉士授檢討弘治紀元預修

憲宗實錄轉修撰充經筵講官改右贊善秩滿遷左諭德預修會典進侍講學士續修玉牒擢太常少卿兼職如故卒李文正公銘其墓有曰經業有門周彖義文史法有傳鉞貶華褒講幄敷陳藝苑甄擇有一于斯皆公遺則有笏堆床有里鳴珂仲叔之間孰與伯多於乎西涯可謂善名狀矣贊曰韓公諸子忠彥有聲范老諸子純仁惟貞世席箕喪時傳琬琰知休

何人傳世不顯

藝學

侍講學士沈度

沈度字民則松江華亭人洪武中舉文學弗就謫雲南岷府聘之弗就都督瞿能延之家塾携至京師

太宗命選善書者供事史館大學士楊溥薦之擢翰林典籍時解縉善直行書胡廣善行草書滕用亨善八分書王汝玉梁潛善真書度于其間獨稱

上意補檢討轉修撰進侍講學士卒廖道南曰士之逢機構會鴻漸高雲蛟騰遠海者曷可勝數若沈君

者周旋滇嶠迴翔燕甸卒能奮翼赤霄策名紫清其  
大篇長書邁勁清潤至今為詞林稱賞是亦高士也  
贊曰鍾繇古隸逸少草書虎鳳飛躍蛟螭縈紆沈君  
妙絕時稱獨步榮名彌播玉堂之署

侍講學士武周文

武周文北平大興人初以儒士明經入侍燕邸

太宗龍潛時命入侍講求樂丙戌召至尉勞備至特  
命為侍講學士賜冠帶金織羅衣一襲

上謂學士胡廣曰朕守藩時聞暇喜觀易時王府官  
寮間亦有知者然未若武周文切實但所言亦有拘

滯不流動處蓋易貴知變不失其宜古人隨時從道  
之說最為要妙亦在虛心玩之耳又曰為學不可不  
知易只內君子外小人一語人君用之功效不少次  
日周文入謝

上潤其老乃命為侍講學士賜之休沐廖道南曰夫  
易之道廣矣大矣以言者尚辭以動者尚變以制器  
者尚象以下筮者尚占是故程傳尚辭朱義尚占至  
於尚變尚象非聖人孰能知之

文皇聖諭所謂易貴知變不失其宜者千古讀易之  
心法也不識周文曾有一于是乎贊曰易之道大匪

聖弗知象之數幽匪神胡為確哉武君一言悟主老  
而益壯末終厥譽

太常少卿兼侍讀學士金問

金問字公素蘇州吳縣人永樂初以善書薦授司經  
正字侍

皇太子于南京因進賀表文稽滯

太宗怒曰朕不識金問何人乃得侍太子并黃淮楊  
溥王凱下獄十年

仁宗登極釋之轉修撰每論時政多見采納宣德乙  
卯遷太常少卿兼侍讀學士正統癸亥調南京禮部

翰為友博通群書究極奧突慕司馬遷之文探禹門  
泛錢塘涉江濤沂震澤久而有得乃趨淮徐訪鄒魯  
北游燕趙嘗有薦為經筵國史者落上難合

高皇帝取婺州禕來謁乃撰平江西頌

上覽而喜曰吾固知浙東有二儒者卿與宋濂爾李  
問之博卿不如濂才思之雄濂不如卿遂以為江南  
提舉司校理改侍禮郎兼引進使未幾同知南昌府  
事竣召還議郎位禮奏對忤旨復出判漳州府元年  
五月禕上疏畧曰古帝王定天下成大業祈天永命  
為萬世無疆計者亦為在乎修德而已矣君德既修

天眷彌固書曰皇天無私惟德是輔此之謂也修德之要有二曰忠厚以存心曰寬大以為政是故周以忠厚開國故能垂八百年之基漢以寬大為政故能成四百載之業

陛下資不世出志大有為艱難十載大業已成周文武漢高光蓋無讓焉今日所當急務者惟於忠厚寬大加之意而已二年六月召修元史以禕與宋濂為總裁官同知制誥燕國史編修三年以失朝故與濂俱降編修使招土番未至復召還五年正月遣禕偕蘇成奉詔雲南禕論梁王把都曰聖上聰明神聖新

創大業是天命人心之所歸惟爾有衆僻在西南未洽聲教故遣使者來諭意今能亟奉版圖歸職方則尺地一民按堵如故高官厚祿不爾吝也否則魚遊釜底終取夷滅時有元道孳自立于沙漠者遣使脫稅徵糧雲南且欲連師以拒我知禕說梁王欲屈以威禕罵曰天訖汝元命我明代之汝知燭火未盡敢與日月爭光乎顧謂梁王曰汝朝殺我大兵夕至矣遂被害時六年十二月二十四也卒年五十二子紳以十五年往來遺骸布政張統參政王景紀其事建文中贈學士謚文節正統五年即承劉傑白其忠復

贈學士謚忠文所著有華州集玉堂雜著續東萊大  
事計廖道南曰予讀鄭濟所述子充行狀方孝孺所  
撰奠章謚議與夫像贊泫然興悲及考文集乃見宋  
景濂稱其文曰喬嶽長河摩日月盪雲烟故其為文  
也波浪湧而魚龍張風霆流而雨雹集胡仲子亦曰  
雍容俯仰如冠冕佩玉馳騁分布如風雲蛇鳥可謂  
知言也已爾林孰養曰惟公長身屹如山立人一望  
之儼不可即惟德執恒惟威弗畏朔漠孤臣英上義  
氣吁嗟公前有顏魯公七死使命與顏攸同

太常寺卿兼翰林學士黃子澄

黃子澄名湜以字行江西分宜人也少從邑人歐陽  
貞受易周與學受尚書清江梁寅受春秋博學負俊  
聲游鄉校同舍避席嘗賦寒江把釣齒及枯梅詩人  
爭傳誦之洪武癸亥膺貢入太學明年定科奉之制  
中京闈鄉試第二乙丑會試第一廷對及第三人俱  
授翰林修撰兼蕪春坊官侍東宮講讀累遷太常卿  
皇太孫立諸王以叔父之尊多不遜服一日大孫坐  
東角門召子澄謂曰諸王尊屬各擁重兵何以制之  
子澄以漢平七國事為對大孫喜曰得先生謀吾  
無慮矣及即位兼翰林學士與齊泰皆用事時周齊

相代岷五府相繼煽動上一日朝罷召子澄問曰先生憶昔者東角門之言乎子澄曰不敢忘也然須密退與齊泰謀之泰欲先燕子澄曰周燕之母弟取周即翦燕之乎足而燕因可圖也入白之

上遂遣曹國公李景隆圍河南迫周王禘至京遷之雲南徙代王桂于邊相王

聞討狼狽闔宮焚死執齊王搏囚之京師岷王梗降為庶人雖聖德如燕藩亦招撫其事加誚讓

朝廷以子澄為功褒賞之燕於是上書救周罪子澄指為連坐決意討之己卯三月命都督宋忠等北征

七月靖難師起移檄大意言上崇信姦回離間骨肉尊太祖皇帝祖訓奉天征討罪人既得則法周公以輔成王首以誅齊泰及子澄為名遂破雄縣懷來遣長興侯耿炳文禦之互有勝負子澄慮師老遂請上班師詔以李景隆為征虜大將軍率諸將兵凡百萬以往景隆自負有文武才子澄亦薦之

上寵信特深甫行餞之江濟賜犀玉帶諸將各一賞賚無算子澄授以指畫景隆依違而已子澄甚憂之朱幾景隆攻北平城累戰皆大敗走還京師赦不治子澄哭諫曰景隆出師無紀度意在觀望不誅之以

謝宗社何以懲將士不聽已而徐凱盛庸繼踵敗衄  
顧民等皆降子澄拊膺大慟曰大事去矣萬死不足  
贖誤國之罪乃賦一詩以志痛詩曰仗鉞曾登大將  
壇貂裘遠賜朔方寒出師無律真兇戲負國全身獨  
汝安論將每時悲趙括穰夷何日見齊桓尚方有劔  
憑誰借哭向蒼天幾墮冠聞者哀之尋用侍臣議  
詔謫子澄及齊泰于遠方以快敵意其實使之募兵  
也時諸將猶守淮南而文廟忽渡江矣潭王與李景  
隆開門迎附子澄出走蘇州語見姚善傳詔執之捕  
獲責問不服死之命赤其族同時被戮者俱號齊黃

數黨榜示天下一子逃難易姓為田經宥乃復姓家  
湖廣之咸寧孫表登進士廖道南曰古語有之大各  
吠為其主言忠貞之不可貳也苟息死晉召忽死齊  
固其分焉爾子澄與齊泰方孝孺謀國之臣安得不  
死難以自負于天哉贊曰舍生取義殺身成仁矧為  
人臣敢自謀身晁錯雖忠袁盎弗平天寔為之人何  
為能

直文淵閣侍讀學士改文學博士方孝孺

方孝孺字希直一字希古浙江寧海人世家候城里  
族甚蕃父克勤元季隱居萬山中其學得諸晦菴而



源流伊洛尤邃於易名振東南洪武初為濟寧知府有異政子三人孝孺其仲也至正丁酉始生之夕有大星墮於其所故其性資精敏絕倫長老見之皆咄咄嗟異方髫鬣已善屬文双眸炯炯如電讀書十行俱下日積寸許見典冊所載聖賢名字或良將相形貌輒默記欣然有願慕之志鄉人呼為小韓子年十五侍父官遊齊上覽周公孔子故宅求七十子之遺跡慨然嘆曰使吾得遇孔子同時縱顏閔未可幾及其餘若樊遲冉求輩豈可多讓哉但恨今世無聖人不得所依歸耳曹國公李文忠一見竒之待以國士

年二十翰林學士宋濂方在中朝以文章道德推重海內四方至其門者輻輳洪武八年克勤嘗誣誤繫京獄孝孺實從數言於朝請代父死既而謫戍江浦又上疏乞身代役皆不報克勤自獄中遣孝孺從濂游孝孺持所為文上謁濂願受業濂一見大加賞異謂孝孺曰吾備位禁林數年來閱天下之士亦多矣而未有如子者子之文非當世之文也願肯從我游乎即日館置左右日與討論經史為文辭濂歸金華孝孺往來山中凡四年盡得其所學自是文章繼濂而起一時四方耆儒宿俊無不折輩行與之交而胡

翰蘇伯衡葉見泰輩在衛東尤以文學知名當世每見孝孺未嘗不心服也會父坐空印事草疏將詣闕伸理而父沒扶喪歸塋瀟尋徙蜀孝孺欲往省不可以文籲天願輸壽以延之瀟嘗欲甥之而不果洪武壬戌上用學士吳沉揭樞壽薦詔徵至京入見陳說多稱旨上問樞曰孝孺孰與汝對曰十倍於臣錫之宴几稍歌必正而後坐上使人覘之喜其舉勤端整謂皇太子曰此莊士也當老其才以輔汝試靈芝甘露論上每面試舉子輒親定高下註選至孝孺獨不註曰異人也吾不能用留為子孫光

輔太平足矣

皇太子素重其才召賜食東宮待以賓友孝儒既歸益杜門慕述不出會仇家得罪詞連孝儒有司例簿錄家貲械赴闕下

太祖立命釋之孝儒奉祖母挈妻子家屬數口還鄉鄉人感歎以為盛已而家益貧窘無為資孝孺處之泰然不以為意嘗卧病絕糧家人告乏則曰聞古人有三旬九食者窮豈獨我哉吾嘗勝之矣授徒石鏡精舍若將終身二十五年復辟至上方重賞罰以其志存教化謂左右曰今非用孝孺

時乃除漢中教授詔許水陸給舟車明年閏四月携  
妻子抵任山郡荒僻水土暴惡病瘦瘵者十之五士  
人鮮少雖五經亦無全者孝孺安之嗜蔬糲若飶萬  
鍾者每味爽升席為諸生講解文義至暮曉曉無惰  
容由是山南人皆知向學二十七年春蜀獻王聞其  
賢以賓禮召見每有所陳論輒虛懷聽納恒曰方先  
生古之賢者也 皇太孫聞其名癸酉丙子徵入典  
試應天府二十一年閏五月

太祖大漸遺令必先召孝孺建文帝立馳驛召還將  
用為執政天下莫不以王佐責望旦夕成功而用事

者忌之乃止遷翰林博士再遷侍講直文淵閣口侍  
左右倫顧問德望素隆一時倚重尋定官制改侍讀  
學士為文學博士以孝孺為之是時館中徵集四方  
名士修 太祖實錄及類要後而永樂大典諸書皆  
命孺總裁官諸儒于所長各互有得失至孝孺則卓  
然為一世儒宗朝廷大制作皆出其手靖難兵至京  
駐金川門外宮中悉自焚三十五年六月十四日孝  
孺聞之持斬衰服晝夜號哭

太宗即位欲詔天下問左右誰可草詔者廷臣以孝  
孺對 上遣人召之數次皆不至 上乃使擁之入

見孝孺既至見 上益悲慟聲徹殿陛間左右禁之  
莫能止 上親降榻慰諭之曰我家事耳先生何良  
苦又曰先生為我作詔命左右給以紙筆孝孺大批  
數字訖擲筆於地曰死即死耳詔不可草  
上大怒磔之夷其族孝孺臨終作絕命辭一章詞畧  
曰天降亂離兮孰知其由奸臣得計兮謀國用羞忠  
臣發憤兮血泪交流以此徇君兮抑又何求嗚呼哀  
哉兮庶不我尤識與不識哀之如親戚年四十六復  
有旨收其妻鄭氏使者至其門已經死門人王孫輩  
收孝孺遺骸殯之聚寶山宗族坐死者八百四十七

人廖道南曰予聞諸黃泰泉云孝孺得家庭之教於  
書靡不通究常慨然以古聖賢自期以經綸天下為  
已任弱冠作深慮等論十九篇謂化民必自正家始  
又作崇儀十八篇雜誠三十八章識者已知其運用  
指設不凡矣在宋濂門為高弟子從辭後每私居念  
及或見其手跡或對客談及濂事輒文泝既官漢中  
其家不能存言於蜀王後撫卹之墓在夔每舟次夔  
必往祭墓下慟哭移時乃去在建文時羽儀斯又隱  
然為當世重以蜀王嘗賜號正學齋世號正學先生  
所著有遜志齋集三十八卷大易枝辭周禮考次戒

王戒書注帝王其命錄文統宋史要言諸書皆未傳  
孝孺文章似宋蘇軾雄邁奔放泝龍門狂流倒峽而  
氣不可遏發為論著醜粹都郁雖博極群書而根據  
六經憲章孔孟宋程朱以前無有也濂嘗推之謂歐  
陽少師蘇長公姑置勿論自余諸子與之角逐文藝  
之場未知孰為後先其後李賢亦稱孝孺師景濂議  
論波瀾類東坡之才而忠義之氣凜然不可犯景濂  
不能及世以為知言於乎忠義在宇宙文章在金石  
孝孺雖死猶生矣謝鐸贊曰我台之學考亭是師迨  
於愚庵實聞而知愚庵之子是曰正學益擴而充上

沂伊洛如麟在毅如星在晨旁觀一世絕類離倫潛  
溪之門盡天下士驚叱起立謂莫敢比心實希聖目  
視歆然銘盤書紳雜誠倦上家人有歲宗儀有紀謂  
道之行莫先於此學以氣充磅礴四行孰顧孰思禍  
福死生歷宋迄元士氣光靈下有復古初不在作者

贈學士謚文僖張益

張益字士謙蘇州吳縣人隸籍江寧永樂乙未進士  
罷庶吉士授中書舍人轉大理評事正統戊午改修  
撰於內府授內使書已已進侍讀學士知制誥初與  
夏景同年景好寫竹偶見益所撰石渠賦遂絕筆不

作文益見景寫竹妙絕亦不復寫竹是歲七月也先  
入寇

上命益同侍郎曹鼎從皆死于土木之難贈學士  
謚文僖官其二子羽為大理寺評事倪文毅公銘其墓  
曰先生之之浮澄山崇先生之德天光日融先生之  
節抱義死忠鳳臺之原龍江之東歸兮故鄉乘雲御  
風廖道南曰予讀姑蘇志稱益為人清淳端謹文章  
圓熟對客數千言揮毫立就及觀國史乃知死于也  
先之難於乎悲哉贊曰不有居者誰守社稷不有行  
者誰扞牧圉六飛蒙塵群胡傀儡臣則何知有死而已

贈學士謚忠愍劉球

劉球字永樂江西安福人永樂辛丑進士授禮部儀  
制主事時尚書胡濙草創禮儀悉球裁定遣使蜀府  
行喪禮饋遺一無所受正統初開經筵濙首薦之擢  
侍讀預修

宣廟實錄成加五品俸己未京師大水球具陳治水  
事宜識者韙之辛酉麓川叛遣定西伯將貴征之球  
上言帝王馭夷狄必宥於其小而防於其大是故周  
伐崇不克則退而修德至儼狃孔熾則命南仲城朔  
方漢征南粵不利即罷兵以通好至匈奴陸梁則命

魏尚守雲中夫以周漢之盛視崇粵如振稿耳乃釋不誅而惟急于北虜蓋不窮兵于小敵以傷生靈罹防患于大寇以安中國故也今也先併吞諸部深謀入寇而思任發依阻山谷悔過乞降議者乃釋豺狼攻犬豕舍門庭之近圖邊徼之遠非計之得也臣愚以為麓川僻陋城之不為武釋之不為怯特降璽書原其罪過固結木却以為我援分屯金齒以離彼黨是即周漢修教賜告之意至於西北諸邊虜勢尚強戎馬尚衆宜謹烽堠修塾堡選將帥練士卒豐糧餉備器械勅總副諸將以巡視塞垣戒參贊文臣以區畫是即周漢備禦城守之意疏上

上命都御史陳智傳諭戒飭沿邊諸郡時太監王振擅權善功開巽復大舉伐麓川癸亥夏雷震

奉天門鳴吻詔求言球覆上言十事其一謂權柄不可下移振見之怒適編修董珙自陳願為大常卿疑球助之乃下詔獄錦衣指揮馬順拷訊備極慘刑球既死于非命舉朝慟之

景帝監國都給事中王欲率百僚廷擊馬順暴其初編修鍾復與球議連名上疏其妻沮之後聞球死復快上卒其妻以告其子同故同卒為直臣死于諍

云景泰初贈學士謚忠愍廖道南曰仲尼有言志士  
仁人無求生以害仁有殺身以成仁夫球之志於仁  
也務引君以當道慷慨激烈首論也先之以寇繼發  
王振之奸邪身就斧鑕殺身成仁卒之乘輿播遷中  
原板蕩雖野厭王振之肉廷暴馬順之尸竟亦何益  
於乎有天下者可以歎矣彭韶贊曰於惟忠臣詞林  
之英沉思力學好義勇行大阿倒持執命腐刑乞戒  
獲霜勿致堅冰不售蒙難乃險而傾褒贈官階節惠  
易名凜匕大節萬世猶生

敬閣詞林記卷之六



